

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/93, 09.09.2020թ.

Բողոք բերող անձ՝ «Ամարաս Յուս» ՍՊԸ

Պատվիրատու՝ «Երևանի Եղիշե Չարենցի անվան հ. 67 հիմնական դպրոց» ՊՈԱԿ

Գնման ընթացակարգի ծածկագիրը՝ «ԵՉ67ՀԴ-ԳՀԱՊՁԲ-(20/14)» և «ԵՉ67ՀԴ-ԳՀԱՊՁԲ-(20/24)» ծածկագրերով գնանշման հարցման ընթացակարգեր

Գնման առարկան՝ Ջեռուցման համակարգի կաթսաների ձեռքբերում

Բողոքի պահանջը՝ Պարտավորեցնել ընդունել «ԵՉ67ՀԴ-ԳՀԱՊՁԲ-(20/24)» ծածկագրով գնանշման հարցման ընթացակարգը չկայացած հայտարարելու մասին որոշում, պարտավորեցնել չեղյալ համարել «ԵՉ67ՀԴ-ԳՀԱՊՁԲ-(20/14)» ծածկագրով գնանշման հարցման ընթացակարգը չկայացած հայտարարելու մասին որոշումը, պարտավորեցնել դադարեցնել նույն ընթացակարգի գնահատող հանձնաժողովի բացման նիստի և թիվ 3 արձանագրությունները և պարտավորեցնել «ԵՉ67ՀԴ-ԳՀԱՊՁԲ-(20/14)» ծածկագրով գնանշման հարցման ընթացակարգի գնահատող հանձնաժողովին ընդունել նոր բանակցություններ հրավիրելու մասին որոշում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին

Հասցե՝ ք.Երևան, Մելիք Ադամյան 1

Բողոքաբեր՝ Ամարաս Յուս ՍՊԸ

Հասցե՝ ք. Երևան, Ռոստոմի 58

Հեռ՝ 077-17-97-54

Էլ. հասցե՝ amaras-yus@mail.ru

Պատվիրատու՝ «Երևանի Եղիշե Չարենցի անվան հ.67

հիմնական դպրոց» ՊՈԱԿ

Հասցե՝ ք. Երևան Ամիրյան 9

Գնման ընթացակարգի ծածկագիրը և առարկան՝ ԵՉԵԿՀԴ-ԳՀԱՊԶԲ-(20/14) և ԵՉԵԿՀԴ-ԳՀԱՊԶԲ-(20/24) ծածկագրերով գնանշման հարցման ընթացակարգեր, ջեռուցման համակարգի կաթսաների ձեռքբերում

Բ Ո Ղ Ո Ք

(ԵՉԵԿՀԴ-ԳՀԱՊԶԲ-(20/24) ծածկագրով գնանշման հարցման ընթացակարգը չկայացած հայտարարելու, ԵՉԵԿՀԴ-ԳՀԱՊԶԲ-(20/14) ծածկագրով գնանշման հարցման ընթացակարգը չկայացած հայտարարելու մասին որոշումը և նույն ընթացակարգի գնահատող հանձնաժողովի բացման նիստի և N 3 արձանագրությունները դադարեցնելու և ԵՉԵԿՀԴ-ԳՀԱՊԶԲ-(20/14) ծածկագրով գնանշման հարցման ընթացակարգի գնահատող հանձնաժողովին պարտավորեցնելու նոր բանակցություններ հրավիրելու պահանջների մասին)

ԵՉԵԿՀԴ-ԳՀԱՊԶԲ-(20/14) ծածկագրով ընթացակարգի գնահատող հանձնաժողովի կողմից հայտարարվել է ջեռուցման համակարգի կաթսաների ձեռքբերման գնման ընթացակարգ:

Ընթացակարգի հրավերով որպես գնումների պլանով նախատեսված միջանցիկ ծածկագիր՝ԳՄԱ դասակարգման CPV կոդ նշվել է հետևյալ կողմ՝ 44621160:

Ընթացակարգի հրավերով սահմանվել է որ սույն ընթացակարգը կազմակերպվում է Գնումների մասին ՀՀ օրենքի 15-րդ հոդվածի 6-րդ մասի հիման վրա:

Ընթացակարգի հայտերի բացումը տեղի է ունեցել 21.08.2020 թվականին:

Ընթացակարգին մասնակցել է միայն 1 մասնակից՝ Ամարաս Յուս ՍՊԸ-ն:

Ընթացակարգի գնահատող հանձնաժողովի բացման նիստի մասին 21.08.2020 թվականի N 3 արձանագրության 6-րդ կետի համաձայն՝ հանձնաժողովը հիմք ընդունելով ՀՀ կառավարության 2017 թվականի Մայիսի 4-ի թիվ 526-Ն որոշմամբ հաստատված Գնումների գործընթացի կազմակերպման մասին կարգի 40-րդ կետի 5-րդ ենթակետի ա) մասը, որոշել է վարել միաժամանակյա բանակցություններ մասնակցի հետ ներկայացված գնային առաջարկի նվազեցման շուրջ:

Նույն արձանագրությամբ արձանագրվել է, որ կողմերը բանակցության արդյունքում չեն հանգել երկկողմ համաձայնության, ինչը հիմք է հանդիսացել գնման ընթացակարգը չկայացած հայտարարելու համար, քանի որ մասնակցի ներկայացրած գնային առաջարկը գերազանցում է նախահաշվային գինը:

Եվ այսպես, ցանկանում ենք ներկայացնել Պատվիրատուի և գնահատող հանձնաժողովի կողմից թույլ տրված խախտումները.

Գնումների մասին ՀՀ օրենքի 34-րդ հոդվածի 1-ին մասի համաձայն՝ Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Գնման ընթացակարգի հրավերի.

7.5-րդ կետի համաձայն՝ Հանձնաժողովի, պատվիրատուի և մասնակիցների միջև բանակցություններն արգելվում են, բացառությամբ՝

1) երբ ընթացակարգին մասնակցել է մեկ մասնակից, որի ներկայացրած հայտը համապատասխանում է հրավերի պահանջներին կամ հայտերի գնահատման արդյունքում հրավերի պահանջներին համապատասխան է գնահատվել միայն մեկ մասնակցի հայտ կամ առաջարկված նվազագույն գների հավասարության դեպքում, կամ եթե ոչ գնային պայմանները բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են այդ գնումը կատարելու համար նախատեսված՝ սույն հրավերի 1-ին մասի 7.1 կետի 2-րդ պարբերությամբ նախատեսված ֆինանսական միջոցները կամ գնումն իրականացվում է Օրենքի 15-րդ հոդվածի 6-րդ մասի հիման վրա: Սույն կետի համաձայն վարվող բանակցությունները կարող են հանգեցնել միայն առաջարկված գնի նվազեցմանը կամ վճարման : պայմանների փոփոխությանը, իսկ բանակցությունները վարվում են միաժամանակյա՝ բոլոր մասնակիցների հետ.

2) Օրենքով նախատեսված այլ դեպքերի:

7.6-րդ կետի համաձայն՝ Հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է առաջին և հաջորդաբար տեղեր զբաղեցրած մասնակիցներին: Առաջարկված նվազագույն գների հավասարության դեպքում կամ եթե ոչ գնային պայմաններին բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են սույն ընթացակարգի շրջանակում գնվելիք ապրանքների գնման հայտով սահմանված գինը կամ գնումն իրականացվում է Օրենքի 15-րդ հոդվածի 6-րդ մասի հիման վրա՝

ա. առաջին և հաջորդաբար տեղեր զբաղեցրած մասնակիցներին որոշելու նպատակով հանձնաժողովի նիստում առաջարկված գների նվազեցման նպատակով ոչ գնային պայմանները բավարարող գնահատված բոլոր մասնակիցների հետ վարվում են միաժամանակյա բանակցություններ, եթե նիստին ներկա են բոլոր մասնակիցները (համապատասխան լիազորություն ունեցող ներկայացուցիչները),

բ. հակառակ դեպքում հանձնաժողովի նիստը կասեցվում է, և մեկ աշխատանքային օրվա ընթացքում հանձնաժողովի քարտուղարը բավարար գնահատված հայտեր ներկայացրած բոլոր մասնակիցներին էլեկտրոնային եղանակով միաժամանակ ծանուցում է գների նվազեցման շուրջ միաժամանակյա բանակցությունների վարման օրվա, ժամի և վայրի մասին,

գ. բանակցությունները վարվում են ոչ շուտ, քան ծանուցումն ուղարկվելու օրվան հաջորդող օրվանից երկրորդ և ոչ ուշ, քան տասներորդ աշխատանքային օրը,

դ. յուրաքանչյուր մասնակցի՝ տվյալ պահին ներկայացրած գնային առաջարկը հրապարակվում է մյուս մասնակիցների համար, և մինչև բանակցությունների համար նախատեսված վերջնաժամկետի ավարտը մասնակիցը կարող է վերանայել իր գնային առաջարկը,

ե. բանակցությունների համար սահմանված վերջնաժամկետը լրանալու պահին, ըստ մասնակիցների ներկայացրած գների, որոնց գինը չի գերազանցում այդ գնումը կատարելու համար հատկացված ֆինանսական միջոցների չափը, որոշվում և հայտարարվում են առաջին և հաջորդաբար տեղերը զբաղեցրած մասնակիցները,

զ. բանակցությունների համար սահմանված վերջնաժամկետը լրանալու պահին, եթե մասնակիցների ներկայացրած գները գերազանցում են սույն ընթացակարգի շրջանակում գնվելիք ապրանքների համար գնման հայտով սահմանված գինը կամ նվազագույն գները հավասար են, գնման ընթացակարգը

Օրենքի 37-րդ հոդվածի 1-ին մասի 1-ին կետի հիման վրա հայտարարվում է չկայացած:

Տվյալ պարագայում, Չնունների հետ կապված բողոքներ քննող անձին ցանկանում ենք հայտնել, որ սույն գնման ընթացակարգի գնահատող հանձնաժողովի կողմից թույլ է տրվել վերոհիշյալ հրավերով սահմանված նորմերի խախտումներ, մասնավորապես Հանձնաժողովի քարտուղարի կողմից որևէ ծանուցում չի ուղարկվել մասնակից ընկերությանը, այնինչ այն պետք է ուղարկվեր՝ նշելով բանակցությունների օրը և ժամը, քանի որ նիստին ներկա ընկերության լիազորված ներկայացուցիչը լիազորված չի եղել բանակցությունների մասնակցելու, այլ միայն լիազորված է եղել ծրարը հանձնելու, Պատվիրատուն մասնակցի առանց բանակցությունների հրավիրելու որոշել է ԵԶ67ՀԴ-ԳՀԱՊԶԲ-(20/14) ծածկագրով գնման ընթացակարգը հայտարարել չկայացած խախտելով Օրենքի 34-րդ հոդվածի 1-ին մասը, Կարգի 40-րդ կետի 5-րդ ենթակետը և Հրավերի 7.6-րդ մասը:

Պատվիրատուն ԵԶ67ՀԴ-ԳՀԱՊԶԲ-(20/24) ծածկագրով գնման ընթացակարգը հայտարարելով չկայացած (www.gnumner.am կայքում բացակայում է գնման ընթացակարգը չկայացած հայտարարելու մասին որոշում/առկա է միայն արձանագրություն) 2020-08-26-ին հայտարարում է նոր գնանշման հարցման ընթացակարգ՝ նույն գնման առարկայով և նույն ԳՄԱ դասակարգման CPV կոդով՝ այսինքն, կարելի է եզրահանգել, որ տվյալ պարագայում գնման առարկան նույնամուծ է, քանի որ գնման առարկայի անվանումը և CPV կոդը նույնն է:

Եվ քանի որ, եթե Չնունների հետ կապված բողոքներ քննող անձի կողմից այս բողոքը բավարարվելու դեպքում հնարավոր է իրականացնել որ բանակցություններ ԵԶ67ՀԴ-ԳՀԱՊԶԲ-(20/14) ծածկագրով ընթացակարգի մասով, իսկ ԵԶ67ՀԴ-ԳՀԱՊԶԲ-(20/14) ծածկագրով և ԵԶ67ՀԴ-ԳՀԱՊԶԲ-(20/24) ծածկագրով ընթացակարգի առարկան նույնն է, ուստի տվյալ դեպքում որպեսզի չխախտվի մասնակցի ՀՀ Սահմանադրությամբ նախատեսված իրավունքները և միաժամանակ հնարավոր լինի կատարել Չնունների հետ կապված բողոքներ քննող անձի որոշումը, ուրենք այս իրավիճակում պետք է չկայացած հայտարարվի նաև ԵԶ67ՀԴ-ԳՀԱՊԶԲ-(20/24) ծածկագրով ընթացակարգը:

Ելնելով վերոգրյալից՝ Չնունների հետ կապված բողոքներ քննող անձի խնդրում ենք պարտավորեցնել ընդունել՝ ԵԶ67ՀԴ-ԳՀԱՊԶԲ-(20/24) ծածկագրով գնանշման հարցման ընթացակարգը չկայացած հայտարարելու մասին որոշում, պարտավորեցնել չեղյալ համարել ԵԶ67ՀԴ-ԳՀԱՊԶԲ-(20/14) ծածկագրով գնանշման հարցման ընթացակարգը չկայացած հայտարարելու մասին որոշումը, պարտավորեցնել դադարեցնել նույն ընթացակարգի գնահատող հանձնաժողովի

բացման նիստի և N 3 արձանագրությունները և պարտավորեցնել ԵՁԵԿԴ-ԳՀԱՊԶԲ- (20/14) ծածկագրով գնանշման հարցման ընթացակարգի գնահատող հանձնաժողովին ընդունել նոր բանակցություններ հրավիրելու մասին որոշում:

Բողոքին կից Ձեզ է ներկայացվում՝

Բողոք ներկայացնելու համար սահմանված 30.000 դրամ տուրքը վճարված լինելու մասին փաստաթուղթը, ընկերության ներկայացուցչին տրված լիազորագրի պատճենը, ընկերության տնօրենի անձնագրի պատճեն, իսկ գնման ընթացակարգերի նիստերի արձանագրությունները առկա են www.gnumner.am կայքում:

Առդիր՝ 3 թերթ:

Տնօրեն՝



Յուրա Կարոյի Աղյան

09.09.2020